

Broj: 02-14/3-2069-1/15  
Sarajevo, 17.12.2015. godine

Na člana 70. stav 4. i člana 69. stav 2., tačka f) Zakona o javnim nabavkama ("Službeni glasnik BiH", broj: 39/14), a u vezi sa članom 11. Pravilnika o postupku direktnog sporazuma i o javnim nabavkama Federalnog ministarstva rada i socijalne politike br. 02-02/8-1501/15 od 16.06.2015. godine, federalni ministar rada i socijalne politike, **d o n o s i**

**ODLUKU**  
**o poništenju otvorenog postupka za nabavku robe (medicinske opreme) u cilju**  
**opremanja Ustanove iz djelokruga socijalne zaštite Ljubuški**

I

Otvoreni postupak za nabavku robe (medicinske opreme) u cilju opremanja Ustanove iz djelokruga socijalne zaštite - Ljubuški, za koji je objavljeno Obavještenje na Portalu javnih nabavki dana 01.10.2015. godine, br. 327-1-1-6-3-2/15 i sažetak Obavještenja o nabavci objavljen u „Službenom glasniku BiH“, br. 79/15 od 12.10.2015. godine, okončava se poništenjem, zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke (član 69. stav 2., tačka f) Zakona o javnim nabavkama).

II

Zadužuje se Sektor za pravne i kadrovske, ekonomsko-finansijske i opšte poslove da u roku od tri dana, a najkasnije u roku od sedam dana od dana donošenja ove Odluke istu dostavi svim ponuđačima koji su učestvovali u otvorenom postupku javne nabavke i time ih ujedno obavijesti o okončanju postupka poništenjem.

III

Ova Odluka stupa na snagu danom donošenja.

**Образложење**

Odlukom federalnog ministra rada i socijalne politike br. 02-14/3-2069-1/15 od 21.08.2015. godine, pokrenut je postupak javne nabavke robe (medicinske opreme) u cilju opremanja Ustanove iz djelokruga socijalne zaštite-Ljubuški. Obavještenje o pokretanju postupka br. 327-1-1-6-3-2/15 je objavljeno na Portalu javnih nabavki dana 01.10.2015. godine, kao i u Službenom glasniku BiH br. 79/15 dana 12.10.2015. godine.

Komisija imenovana Rješenjem br. 02-14/3-2069-1/15 dana 24.08.2015. godine, pristupila je izradi tenderske dokumentacije, te objavi iste na Portalu javnih nabavki. Redovno su dostavljali pojašnjenja u vezi sa predmetom nabavke i tenderskom dokumentacijom svim potencijalnim ponuđačima.

Dana 04.11.2015. godine zaprimljena je žalba od strane jednog od potencijalnih ponuđača u kojoj se kao razlozi podnošenja žalbe navode da je tenderska dokumentacija sačinjena protivno propisanim kriterijima Zakona. Ugovorni organ je ocijenio da je žalba blagovremena, dopuštena i izjavljena od strane ovlaštene osobe, te je u Zakonom propisanom roku žalba

dostavljena Uredu za razmatranje žalbi BiH, sa izjašnjenjem ugovornog organa o istoj. U skladu s navedenim, dana 05.11.2015. godine donesena Odluka o obustavi postupka javne nabavke robe (medicinske opreme) u cilju opremanja prostora Ustanove iz djelatnosti socijalne zaštite – Ljubuški, a o kojoj su obavješteni svi ponuđači.

Nadalje, Izmjenama i dopunama Budžeta Federacije BiH za 2015. godinu („Službene novine Federacije BiH“, br. 86/15) umanjena su sredstva za predmetnu javnu nabavku, a što ugovorni organ nije mogao predvidjeti u vrijeme pokretanja postupka javne nabavke, zbog čega je neophodno okončati navedeni postupak poništenjem.

Na osnovu svega navedenog, a imajući u vidu da je obustava postupka još uvijek u toku, te da se postupak zbog nedostatka odobrenih sredstava neće moći uspješno provesti, odlučeno je kao u dispozitivu.

**Pouka o pravnom lijeku:**

Svaki ponuđač koji smatra da je ugovorni organ u toku konkretnog postupka kod izbora napovoljnijeg ponuđača prekršio odredbe Zakona o javnim nabavkama i/ili podzakonskih akata ima pravo uložiti žalbu na postupak u pisanoj formi u roku od deset (10) dana od dana zaprimanja odluke o poništenju. Žalba se podnosi Uredu za razmatranje žalbi BiH, putem ugovornog organa i na način propisan Zakonom.

**DOSTAVLJENO:**

- Ponuđačima
- Sektoru za pravne i kadrovske, ekonomsko-finansijske i opšte poslove
- a/a

